

sterio omni tempore vitæ nostræ gratum servitium A mereamur beatitudinem possidere sempiternam.  
ei exhibentes, post hanc vitam per ejus gratiam Amen.

## BEATI RABANI MAURI

FULDENSIS ABBATIS ET MOGUNTINI ARCHIEPISCOPI

# TRACTATUS DE ANIMA

(ANNO 842.)

### PRÆFATIO

AD LOTHARIUM REGEM.

Domino præcellentissimo nobisque Dei munere dato, magno et pacifico atque coronato regi Lothario, ultimus vestræ servitutis famulus, Maurus.

Cum nobilitatis vestræ ingenium aviditatemque iuulta sciendi et copiosa investigandi perspiciam, sensus etiam vestri perspicaciam quo apprime sublimitas vestra floret demirer, statui, pro ingeniali mei parvitate, quoddam de manu deputare. Quod videlicet e quorundam eruditorum libris decerpsum, facile memoriae mandari possit: quo veteris ingenii servor exuberantior foret, et mei ingeniali quodam modo vestræ servituti fidelitas deserviret. Scripsi itaque vobis quædam de diffinitione animæ, quare anima dicatur, vel quid sit anima: nec non et de origine ipsius, utrumne formam habere creditur. De quantitate etiam ipsius, utrum in parvulis minor, in fortioribus major: vel ubi maxime sedem habere creditur. Deinde quæ sint virtutes ejus morales: pauca etiam de habitaculo ejus, hoc est corporis possessione. Quæ cuncta ex cuiusdam magni Aurelii Cassiodori Senatoris dictis excerpti: aliqua vero ex libro Prosperi eruditissimi viri. Quædam vero ex proprii ingeniali sensu addere curavi. Sed quia excellentiam vestram multa decet cognoscere, annexui quædam capitula de disciplina Romana militiæ \*, qualiter antiqui tirones institui solebant. Quod ideo foci, quia necessarium fore id aestimavi, propter frequentissimas Barbarorum incursiones. Quæ scilicet ex cuiusdam Flavii Vegetii Renati Libello, quem de antiquissimis scripsit Romanis excerpti atque compagi breviusque annotare studui, cœvens scilicet prolixitatem et ne forte ea scribere viderer quæ tempore moderno in usu non sunt: illud etiam prævidens, ne si nimius fierem, fastidio potius quam delectationi inservirem.

### CAPUT PRIMUM.

*De animæ proprietate, etymologia ac diffinitione.*

Anima igitur proprie hominum dicitur, non etiam pecorum. Anima namque hominum longe distat a

\* Hoc opusculum nondum invenimus; alioqui adjunxissemus.

B vita pecorum. Vita namque pecorum in sanguine constat: adeo, ut cum defectione sanguinis et sine corporis, ipsa etiam vita cum spiritu finitur. Anima autem hominis non cum sanguine finem accipit. Ideoque recte dicitur anima, quasi ἡνώμα, id est, discreta longe a sanguine: quoniam et post mortem corporis in sua substantia vivit: quæ potest etiam ita diffiniri: Anima dicitur, eo quod animet, id est viviscat, proprii corporis substantiam. Significantissime autem anima dicitur spiritualis substantia, quæ nulla sanguinis effusione consumitur: atque ideo a sanguine longe discernitur, quamvis defectione sanguinis habitaculum corporis deserere videatur. Sed aliud est quacunque occasione habitaculum deserere: aliud cum ipso habitaculo finiri. Quorundam vero talis est diffinitio, ut anima a vento nomen accipiat: quia ventus Græce ἄνεμος dicitur. Et idcirco etymologiam a vento ducere: quod nos spiritum ore retrahentes, vivere videamur. Haec brevissime de eo quare anima dicatur: nuac vero dicendum, quid sit anima. Philosophi autem animam dicunt esse substantiam simplicem, naturalem, specie distantem a materia sui corporis, organum membrorum, habentem virtutem vite. Quam idcirco substantiam simplicem dicere voluerunt, quia nihil in ea præter spiritualem substantiam inveniri potest. Distantem vero a materia corporis, quia nihil in se corporeum habet. Organum vero membrorum, quia omnia membra corporis ea agente, disponuntur. Virtutem autem vite habentem idcirco dixerunt, quoniam ubi corpus repleverit, viveatem continuo reddit. Haec est diffinitio animæ, secundum adinventionem magistrorum sæcularis litteraturæ. Cunctorum vero doctorum veracium in hoc consentit auctoritas, quia anima est a Deo creata spiritualis propriaque substantia, vivificantrix sui corporis, rationalis et immortalis: sed convertibilis ad utraque, id est ad bona et ad mala. A Deo autem creatam animam dicimus contra illorum opiniones, qui eam aliquam partem divinitatis habere assertores, errores potius quam veritatem texuerunt. Nullus namque recte sapientium, animam creatam esse dubitat. Hoc idem Salomone testante, qui de sapientia dicit: *Omnem flatum ego feci (Sap. xxiv).* Et

sterum : *Et revertetur pulvis in terram unde erat, et spiritus revertetur ad Deum, qui dedit eum* (Eccl. ult.). Hac etiam spiritualis esse affirmatur, quia nihil in se corporeum retinet. Omne namque corpus, longitudine, latitudine atque profunditate comprehenditur : quæ omnia desunt animæ. Et quamvis gravetur mole corporis, spiritualiter tamen multa longius et prope posita perpendit : invisibilia quædam intuitus perspicacia rimatur. De cœlestibus cogitat : de ipso etiam summo Deo quædam ardua nosse desiderat. Quæ si esset corporalis, nullumque horum perpendere valeret. Propria vero substantia est, quoniam nullus alter spiritus ita carnem suscipit, ut proprii corporis passionibus condoleat aut letetur. Vivificatrix autem sui corporis est, quia statim ut a Deo corpori indita fuerit, ineffabiliter illud vivificat atque diligit : in tantum, ut quidquid corpus sustinere cognoscitur, ad ipsam referatur : et quæ mori nequit, interitum mortemque pertimescat. Rationalis autem est, quoniam de divinis tractat : humana sapit : et quidquid ex artibus et disciplinis doceri potest, ipsa quadam subtilitate comprehendit : atque hinc omnia animalia docibili intellectu antecellit, quod cum ratione decentia cuncta componit. Ipsius namque actu quidquid ornatus mundo additur, inventum est. Ipsa civitatibus muros attribuit, arma defensibilia invenit, amictus vestium diversa varietate compoit, vias per devia sternit, maria quadam artis industria transmeat. De ipsis itaque ratione nullus dubitare debet, cum tot et tanta, auctoritatis sui largitate perquirere et perficere valet. Quod autem immortalis sit, multisarie comprobatur. Philosophorum namque talis est assertio, ut omne quod in se vivit et aliud vivificat, immortale sit. Quod anima utrumque faciat, manifestum est. Nam et ipsa vivit, et corpus vivificat. Dicunt enim omnia immortalia simplicia esse. Anima vero ex simplici constat substantia : ideoque immortalis est. Sunt et aliae propositiones philosophorum, animam immortalem approbantes, quæ enumerare non est necesse propter brevitatem. Nostri vero veridicis assertionibus animam immortalem approbant. Anima quippe ad imaginem Dei facta est. Et quia Deum omnimodis immortalem scimus, et credimus, et confiteamur, restat ut quam ad imaginem suam condidit, immortalem fecerit. Neque enim ullo modo fieri poterat, ut quæ ad imaginem Dei et similitudinem facta fuerat, mortalis foret. In eo namque quod immortalis est, Deo similis est. Sed in eo quod anima Deo similis esse dicitur, potest aliquis dicere, Quomodo sunt similes Deo, qui similia illi facere nequeo? Cui respondendum est, quia homo picturam, similitudinem hominis habentem, perficit : ipsa vero pictura non potest imitari quæ homo facit. Sic et homo ad similitudinem Dei factus, non potest in creandis rebus Deum imitari. Dicitur namque anima convertibilis ad utraque, quod scilicet multis experimentis quotidie approbamus. Nam quos nunc videmus magna exultatione

A gaudere, mox nimio inçere tristari conspicimus. Alios nunc pietate mites, nunc iterum maxima indignatione terribiles. Nunc ad virtutes erigi, nunc ad vitia prolabi. Multisque et innumerabilibus modis, convertibilis et mutabilis esse cognoscitur. Nam si mortalibus non esset, nequaquam ex bonis mali, neque iterum ~~ex improbis~~ proli, neque ex tenacibus largi, neque rursus ex largis fierent avari. Sed ut dictum est, mutabilitati atque convertibili passioni obnoxia esse omni modo deprehenditur. Nunc jam de origine ipsis, de qua multisarie dubitatur, pauca dicenda sunt.

## CAPUT II

*Unde originem anima sumat.*

Primo homine de limo terre formato, inspirasse in faciem ejus legimus Deum, dicente Scriptura : *Formavit igitur Dominus Deus hominem de limo terræ, et inspiravit in faciem ejus spiraculum vita : et factus est homo in animam viventem* (Gen. ii). Unde constat, quod a Deo originem sumpserit. Quod autem insufflasse dicitur Deus, non ita credendum est Deum insufflasse, qui est incorporeus et invisibilis, quemadmodum nos insufflando spiritum resolvimus, labiaque quodam pulsu foras extendimus : sed insufflasse dicitur propter dignitatem operis, scilicet animam : quam ad similitudinem suam fecisse cognoscitur. Hac ex re dixerunt quidam, quod non ut coagulatum fuerit semen humanum in vitalem substantialiam, statim creari animas, corporibusque dari. Qui autem naturarum investigatores fuerunt, asserunt, quod quadragesimo die conceptionis accipiat animam mortale et humanum pectus [A., pecus]. Et hoc esse experimentum, quod tunc se incipiat in utero commovere. Aliorum etiam opinione fertur, quod omnipotens Dei jussu, sicut de corpore humano, corpus humanum semine carneo traducitur, ita et anima nova ergo, de qualitate animæ generetur, et idcirco obnoxiam esse originali peccato : quod infantibus et needum aliqua committere valentibus, per lavacrum baptismatis remittatur. Nos autem id dimittere, affirmare non audemus : quoniam et beatus Augustinus, prohatisimus doctor, laudabiliter ex hoc dicitur dubitasse, neque hoc audere confirmare : sed veracissime credere, Deum animas creare, et occulto atque justissimo suo iudicio originali peccato obnoxias esse. In his namque et similibus tamque occultis, melius est ignorantiam consteri, quam perverse et pericolose affirmare : quod ad errorem potest referri, cum propheta dicat : *Quis enim cognovit sensum Domini? aut quis consiliarius ejus fuit?* (Isa. xl.) Et Apostolus : *Ex parte cognoscimus, et ex parte prophetamus* (I Cor. xiii). Si enim propheta et Apostolus sensum Domini a quoquam investigari non posse dicit, et Apostolus ad cœli tertii altitudinem ascendens, paradisiisque secreta pertransiens, et quædam arcana cognoscens, quæ hominibus illicita ad loquendam dicit, ex parte se cognoscere affirmat, quis audebit scire et enuntiare

se posse, quod nullus doctorum sanctorum ad liquidum enarrare invenitur? Sed ad reliqua pergendum est, et dicendum utrum anima formam habere creditur.

## CAPUT III.

*An formam anima habere credatur.*

Qui de forma aliquid lucidius tractare cupit, complexionem formae necesse est apprehendere. Forma namque dicitur, quae aliquo spatio linearum circumducitur. Quod vero spatiis lineisque comprehenditur, corporeum utique est. Nam et ipsum spatium absque lineamentis corporalibus omnino non constat. Rursumque ipsa lineamenta, absque spatio corporali, nullo modo comprehendendi queunt. Quod cum ita sit, manifestum est animam formam penitus non habere, quae incorporea est. Omnis itaque forma, in superficie corporali fit. Cum vero corpus nisi solidum et palpabile esse non possit, anima vero incorporea et impalpabilis sit atque soliditate careat, constat eam nullo modo formam habere. Quod si illud movet, quod Apostolus de Christo Domino dicit: *Qui cum in forma Dei esset, non rapinam arbitratus est esse se aequaliter Deo* (*Philip. ii*), noverimus ibi Apostolum de substantia dicere, in qua est aequalis Patri. Nam Deus incorporeus, invisibilis, incomprehensibilis, totusque ubique, nullam potest habere formam. Quod vero in Evangelio de Abraham et Lazaro et divite legimus (*Luc. xvi*) sinum Abrahæ Lazarum habere, divitem linguam petere refrigerari ab extremo digiti, nec dives lingua locutus est, quae utique incorporea est, nec Lazarus anima digitos unde illius ardorem refrigeraret habuit, nec Abraham sinum more corporalium hominum habere potuit. Nam non solum de creatura spirituali in Scripturis haec et similia reperiuntur, verum etiam de summo et incomprehensibili Deo passiva quedam leguntur, quae utique incommutabilitati divinae nullo modo accidere possunt: veluti cum pœnitere dicitur Deus et irasci, abominari et odisse: quae omnia illi summæ majestati non convenient. Sed ut aliquæ humanæ res compendiosius faciliusque ex nostra consuetudine cognoscantur, idcirco talia ad Deum referuntur. Sic et anima, cum informis sit, formam habere dicitur.

## CAPUT IV.

*Utrum in parvulis minor, et in fortioribus major esse credatur.*

De quantitate etiam animæ potest subtilissima atque scrupulosa quæstio exoriri, utrum in parvulis minor sit, cum eis ratio non omnimodis adsit, quæ majoris etatis hominibus major adesse videtur: iterumque inveniuntur juvenes excordes, senesque minus sapientes. Sed in parvulis id attendendum est, quia imbecillitate corporis et parvitate, in eis ratio animæ impeditur. In juvenibus vero et stultis, aut quadam partium inæqualitate, aut aliqua crassitudine humorum deprimitur, vimque suam tali impedimento exprimere præpeditur. Quod ut exemplo lucidius declaretur, aspiciamus quæ in usu haben-

A tur. Nam si ignis in quodam parvo vase includitur, qui alta petere consuevit, angustia loci præpeditur. Quem si rursum materie gravis humoris aut crassitudinis supponere volueris, ipsa crassitudine impeditur, ne ad alta se subrigat. Sin autem materiam competentem eidem subjeceris, omnem continuo vim suam alta petens demonstrat. Sic et animæ vis et ratio, in parvulis parvitate membrorum præpeditur: in juvenibus et maturis, quadam, ut dictum est, partium inæqualitate aut humorum crassitudine deprimitur. Hinc est, ut quos modo sapientes et astutos cernimus, quadam subita læsione cerebri, aut gravedine præcordiorum, ineptos et amentes fieri videamus. Hinc etiam surdi sunt et lippi: debilesque de quadam diminutione membrorum existunt. Et quid de hujuscemodi passionibus dicamus, cum frequentissime animalia potu et distentu ventris, sapientium animos obrui cernamus: ut quem modo sapientissimum videras, vix valeat se intelligere vivum. Ratio itaque parvulis meditatione crescit et exercitio, non incremento animæ. Sicut ergo omnes animæ immortales sunt, ita et rationales esse credendæ sunt. Nunc restat, ut ubi sedem maxime habere probetur, slectamus articulum.

## CAPUT V.

*Ubi potissimum anima sedes sit credenda.*

Quamvis autem anima totius corporis membris sit diffusa, ipsosque artus quodam organo motuque componat, propriisque officiis attribuat, tamen ut C evidentibus indicis manifestatur, non aequaliter omnibus præsidet membris. Quidam namque affirmanter animam proprie et maxime sedem retinere in corde: assereates ibidem purissimum sanguinem vitalemque spiritum continere: et exinde cogitationum bonarum et malarum varietates oriri: quod animam propria virtute augere, nulli dubium est. Rarum multi dicunt apimæ sedem in cerebro esse, quod manifestis indiciis credi potest. Anima quippe quoniam ad imaginem Dei condita est, arcem quodammodo sui corporis petere, dignum fuit. Ut enī cum reverentia Divinitatis loquamur, cum Deum ubique esse credamus, et confiteamur, cunctaque visibilia et invisibilia vi divinitatis suæ penetrare et replere, sedem tamen proprie in celo habere dicuntur, Scriptura teste: *Caelum mihi sedes est. Competens namque erat, ut que corporis sui regimen tenet principalem sui templi arcem teneret ad similitudinem sui conditoris.* Ut sicut ipse in altissimis sedere dicitur, ita et haec in eminenti sui parte corporis, residere creditur. Et exinde omnia membra velut ex quadam arce, consilio regimine gubernari. Unde et ipsa rotunditas cerebri, ad similitudinem celestis sphæræ facta videtur: ubi dignam mansiōnem sibi anima immortalis vindicaret. Dignum etenim erat, ut altiora peteret: quia onus quod subtilis est naturæ, celsiora petit. Nam et ignis visibilis, ad summa pertendere cernitur. Sunt et alia indicia quæ animam habere sedem in vertice designant.

Natu et omnis corporis sensus in capite contineri certissimum est. Sed etsi aliqua lætitia mentem obsederit, statim vultus hilaritate monstratur. Sin autem perturbatio supervenerit, non viscerum incommoditate gravamur, sed quodam stupore capitis continuo apprehendimur: in tantum, ut ipsum visum obtundat, et auditum stupefaciat: et quædam signa indignationis anima ibi derelinquit. Quod cum ita sit, recte credendum est animam in vertice sedem habere. Sed quia paucis de anima dictum est, quare anima dicatur, vel quid sit, vel unde originem habeat, aut si formam habere creditur, vel ubi maxime sedes ipsius esse creditur, nunc ad virtutes ejus morales exprimendas, flectamus articulum: atque imprimis indagandum, quid sit virtus.

## CAPUT VI.

*De virtutibus ejus moralibus: et primo quid sit virtus.*

Sunt ergo virtutes animæ quatuor morales: prudentia scilicet, fortitudo, justitia atque temperantia. Sed quoniam has virtutes nominamus, dicendum primo, quare virtus dicatur, vel quid sit virtus. Virtus dicitur a vi, id est, a fortitudine. Quæ ideo taliter dieitur, quia cuncta quæ provenire possunt, quadam vi mentis animique robore sustinet. Est ergo virtus omnis sancta res, invisibilis atque incorporea, sancta, inmundissima, prorsusque omnii carens malo. Quæ ubi manserit, cuncta sancta facit, munda, firma, atque stabilia. Quam nullus invitus accipit, nullus perdit, nisi qui sua sponte perditui deceptuque dederit. Quæ etiam ita distinatur: *Virtus est animi habitus, decus vita rationabilis, dispositio morum, pietatis appetitus, omnisque honor, cultusque deitatis.* Quæ, sicut dictum est, in quatuor dividitur morales virtutes. Quæ ideo morales dicuntur, quia per eas mores hominum exornantur atque decorantur. Nam si prudentia hominum desit, hebetudine animi continuo deturpatur. Si fortitudo absit, confestim imbecillitati addicitur. Uli vero justitia abest, quis nesciat cuncta prava, cuncta torta, deformaque adesse? Sin autem et temperantia defuerit, omnia superflua modumque excedentia, ipsa sua nimietate animum dehonestabunt. Si ergo hæc quatuor virtutes animum hominis obtinuerint, quasi quatuor angulis domus sustinebitur, ne ulla vi tempestatum corruat: sed potius quidquid adificare voluerit, quasi firmissimo fundamento superponet. Sed istæ quatuor virtutes ita sibi sunt connexæ, ut alia sine alia nullo modo perfectionem accipere queat. Nam prudentia fortitudinem suppeditari necesse est. Item fortitudinem justitia exornat. Temperantia autem justitiam quadam temperatura, ne ultra modum inardescat, refrenat: sed omnia mensurate faciat. Sed jam singillatim ipsorum nomina lucidius digerantur, quare ita dicantur, vel quæ sit uniuscujusque proprietas.

## CAPUT VII.

*De prudentia.*

Prudentia igitur dicitur quasi providentia, quæ

sui perspicacia perspicit ea quæ provenire possunt, sive prospera, sive adversa: ut videlicet caute agat, ne aliquando aut prosperis elevetur, aut dejiciatur adversis. Quæ etiam alio nomine sapientia dicitur, eo quod in palato cordis sapiat, quid rejicere, quidve in intimis trahicere debeat. Est ergo prudentia sive sapientia rerum divinarum sive humanarum, in quantum homini conceditur, scientia. Per hanc intelligimus quid cavendum, quidve faciendum nobis sit. Per hanc indagationem veritatis, inventionemque apprehendimus. Sed quia et appetito sacerdotum prudentes dicuntur, quantum inter se differant, indagandum est. Prudentia itaque sacerdoti, quantum in se est, corrumperet sana et integra conatur, aliorumque dannis sua lucra augeri gaudet. De hac Domini

B  
nus cum in Evangelio de villico iniquitatis loqueretur, dicit eum prudenter fecisse, quod dispendio domini sui, lucrum acquisierit, atque in futurum prespiceret. De qua prudentia Paulus dicit: *Prudentia carnis mors est. Mors utique animæ* (Rom. viii). At contra prudentia sive sapientia quæ dono Dei acquiritur, nec suo peccato perire potest, nec alieno. Nullumque dispendium aliis ob gratiam sui lucri facere cupit, sed omnibus sicut sibi, providere desiderat. De qua prudentia idem Paulus, cum de prudentia carnis disputasset, subjunxit dicens: *Prudentia autem spiritus, vita et pax* (*Ibid.*). Quod videlicet de vita animæ eum dixisse patet. Nam ipsa prudentia spiritualis semper ad vera et sancta tendere cupit, quamvis aliquando fallatur. Quod vide licet infirmitate carnea sarcina præpediente fit: quia nullus in carne positus, cuncta perfecte prævidere et cavere potest. Unde et egregius doctor, qui ad tertii coeli secreta raptus, et paradisi amœna contemplatus, audivit quædam secreta, quæ hominibus loqui non licet, hac molestia prægravatus, ait: *Videmus nunc per speculum in ænigmate* (*I Cor. xiii*). Sed quoniam fortitudinem suppeditari diximus a prudentia, restat ut de ea aliqua dicantur.

## CAPUT VIII.

*De fortitudine.*

Fortitudo igitur est longanimitas et perseverantia in bonis, tolerantiaque et victoria contra omnia tentamenta viatorum. Quæ ita animo inesse debet, ut non solum adversa vincat, verum etiam cuncta illecebrosa et voluptuosa atque delectationem carnis moventia, superet et necet, atque extinguat. Quod cum fecerit, jure fortitudo dicitur. Nam si adversa superet, blanditiis vero petulantis carnis assentiat, non fortitudo, sed resolutio vocabitur: quoniam ad delectabilia solvitur. De qua breviter quidem sed honestissime diffinitur, cum dicitur: *Nemo melius vincit, quain qui seipsum vincit.* Sed quoniam virtutis hujus nuncupatio etiam ad sinistram reflectitur, necesse est ut de hac aliquid dicatur. Dicitur namque et fortitudo diabolica, de qua Dominus ad beatum Job loquitur: *Virtus ejus in lumbis ejus, et fortitudo illius in umbilico ventris ejus* (*Jub.*

**xxxviii).** Unde Dominus in Evangelio dicit : *Cum fortis armatus custodit atrium suum, in pace sunt ea que possidet (Luc. xi).* Fortem, scilicet diabolum, atrium vero illius, mundum intelligimus. De quo atrio fortiore superveniente, id est Christo, vicius et superatus, ejectus est. Sed fortitudo diabolica quæ pravos in malis roboret, et Christi fortitudo qua sancti ad toleranda adversa corroborantur, non solo actu, sed etiam ipsa varietate nominum differunt. Fortitudo namque diabolica dicitur contumacia, pertinacia, sive etiam pervicacia, quæ hominem non sinunt a pravis actibus sanctis persuasionibus revocari. Fortitudo vero Christi, ipsa est perseverantia seu tolerantia : nec non et patientia, quæ omnia adversa longanimiter, et patienter tolerat. Hanc itaque necesse est ut justitia comitetur, quæ rectitudine sive æquitas dicitur ; ne quod forte est, absque rectitudine aliquo modo fiat pravum.

#### CAPUT IX.

##### *De justitia.*

Justitia igitur dicitur, quasi juris custodia, eo quod quidquid jus, id est, lex præcipit, custodiatur : vel quidquid prohibet devitetur. Hæc ergo si fortitudini conjuncta fuerit, eam omni modo condecorat. Nam quidquid forte est, nisi justum fuerit, ad pravam, sine dubio, partem derivabitur. Justitia ergo est propria nobilitas animi, quæ unicuique debitam præstat retributionem. Bonis, scilicet dignam retribuens laudem : pravisque et malignis, debitam ingerens vituperationis reprehensionem. Ipsa itaque debitum Deo divinitatis cultum honoremque impendimus, atque dilectionem : proximos vero digno dilectionis amore complectimur. Quid enim justius, quam Deum toto corde diligere, a quo conditi sumus dum non essemus ? Male autem captivos dicimus quia est et captivitas bona, de qua dicitur : *Ascendens Christus in altum, captivam duxit captitatem (Psal. lxvii).* Quid vero rectius esse potest, quam proximos qui similes nobis sunt conditi, et par modo redempti, sicut nos diligere ? Hac ipsa, nostra proximorumque errata, digna et debita redargutio compescerentur. Quia hac ergo refrenantur et coercuntur illicita, redargutio vero absque fervore quodam et ardore zeli nequit fieri, recte temperantia justitiam sequitur, ne fervor justitiae modum exceedat, et quem lucrari monendo et corrigendo debemus, nimia correctione dejiciamus.

#### CAPUT X.

##### *De temperantia.*

Temperantia ergo dicitur, quoniam moderatione sua temperat animum uniuscujusque. Unde et temperantia dicitur, quia animum temperat caloribus et frigoribus, ne nimis frigida, nimietate sua, restringat virentia arbusta. Temperantia igitur est virtus animi, quæ suo moderamine totius vitae modum imponit, ne quid aut odio nimio exsecretur, aut nimio amore demulecat. Omnes vero varietates quodam diligentia considerans, temperat et moderatur.

A Ille etiam discretio alio nomine dicitur : quia omnia discernit ne modum excedant, neque ad dexteram, neque ad levam nimium declinet : sed quadam via regia gradiatur, temperetque gradum, ne ultra modum incedat. Unde et philosophica illa sententia, brevis admodum est, sed probatissima in hac vita maximeque necessaria : Ne quid nimis. Cum enim dicit : Ne quid, ostendit, quia et bonum nimium esse potest. Unde et Salomon dicit : *Fili, ne sis nimium justus (Eccli. vii).* De hac etiam Jacob per allegoriam dicit : *Habeo boves et oves fetas, et parvulos teneros. quos si plus in ambulando fecero laboare, morientur (Gen. xxxiii).* Per boves quippe et oves fetas, animæ intelliguntur, quæ verbum Dei mente concipiunt. Quæ si nimium iter arripere co-gantur, quod mente conceperunt, perdunt. Parvuli vero teneri sunt illi de quibus Paulus dicit : *Lac vobis potum dedi, non escam : nondum enim poteratis : sed nec adhuc quidem potestis. Parvuli enim eritis (I Cor. iii).* His ergo talibus levia præcepta, quæ per lac intelliguntur, ministrari debent, quounque solido et forti cibo uti valeant, id est, fortioribus præceptis. Hæc itaque virtutes cum omnibus sint necessariæ, excellentiæ tamen regiæ maximum decus ornatumque præstant. Per prudentiam quippe omnibus provide prospiciens, caute et rationabiliter ea quæ provenire possunt; considerat : et acumine sensus quasi acie oculorum, caute adversa perspicit ac prospera. Per fortitudinem vero omne quod provide perspexerit, sive adversa sive prospera, forti et inconcuso animo supportat : eventus scilicet fluctuantis sæculi, bella, tumultus et seditiones, nec non et diversos mores hominum. Regia etenim excellētia quanto pluribus præstet, tanto plures eventus rerum accidentium perspicit : atque idecirco fortissimo animo cuncta superare decet. Quem vero justiorem decet esse quam regem ? Omnes namque judices cunctiæ actores, quamvis cupiditate ducti injusta disponere nitantur, considerantes justitiam regis, nihil injustum subditis inferre præsumunt : quoniam justam vindictam verebuntur. Temperantem autem regem apprime decet esse, ut ejus præcepta cunctis convenient, ne nimis laxa existant, neve iterum valde gravia : sed tali moderamine atque temperie disposita, ut juxta possibilitatem cuncolorum omnia flant. Quatenus agni in regiis edictis inveniant quo vadere queant : et elephanti quo se naturæ cognoscant, hoc est, ut ne mites ac simplices violentia præceptorum opprimantur : et potentes et fortes potentiores se et fortiores semper aspiciant et ve-reantur. His itaque quatuor virtutibus quasi solidissimis columnis, omnis regiæ dignitatis honos decusque attollitur : feliciterque cuncta gubernantur atque exornantur. Sei quia hæc breviter et minus compte de anima, virtutibusque ejus digesta sunt moralibus, hinc restat ut de habitaculi ipsius situ et dignitate, aliqua dicantur : quoniam dignum erat, ut quæ tantæ dignitatis creatæ est, ut ad imaginem Dei atque similitudinem facta dicatur, decepti ha-

bitaculo ornaretur. Aggrediar ergo et opus Dei mirificum in humano corpore qua valedo demiratione : et si non condigne, devote scribere conabor, ex probatorum scilicet doctorum scriptis latissimis brevissima deponens.

### CAPUT XI.

#### *De statu et positione corporis.*

Corpus itaque hominis, mira operatione compactum, proceritate suæ rectitudinis a cunctis animalibus disparatur. Quod videlicet si per singula membra consideretur, magna in hoc mysteria comprehenduntur ab his qui ea indagare satagunt. Ipsum namque caput cunctis eminentis membris, in cuius vertice animæ sedem maxime esse credimus, ad similitudinem cœlestis sphæræ formatum, sex ossibus est compactum : ut intelligatur ille senarius numerus, qui perfectus probatur, in hominis creatione constare. De cujus numeri perfectione plurima dici possunt : sed hic sunt propter compendium omitenda. Sub hujus itaque capitinis rotunda concavitate, binæ acies oculorum prodeunt, ad similitudinem duorum cœlestium luminarium : vel, ut sacratus aliquid dicamus, ad instar duorum Testamentorum. Quibus decentissime supposita sunt membra cætera combinata, dualitatis conjunctione disposita : anres scilicet, nares, labia, brachia, manus, latera, crura et pedes. Quæ cuncta tali sibi sunt charitate convenientia, ut unum idemque sapere atque operari videantur. His vero binis geminisque membris ita ordinatis, sunt et alia membra, propria unitate decentissime geminis membris convenientia, nasus scilicet, os, guttus, pectus, venter, umbilicus, ipsaque virga genitalis, quam mira dispensatione Deus ad humani generis sobolem renovandam attribuit. Quæ cuncta magnum decus obtinere videntur, quoniam in meditullio posita, geminis membris convenienter, ut neutra pars unum ex his sine altera, valeat vendicare. Hæc ergo omnia cum reliquis membris, ad habitaculum animæ ad imaginem suam conditæ, Deus digna operatione compegit.

### CAPUT XII.

#### *De quinque sensuum officiis.*

Nunc restat ut de officiis quinque sensuum paucia

A dicantur. Qui quamvis et bestiis inesse videantur, longa tamen interpolatione ab illis discrepant : quoniam nobis rationabiles insunt, in illis, ratione carent. Primus ex his, visus est : qui quadam vi animæ quam aspectum dicimus, per pupillam oculi egrediens, res non valde longe positas quadam subtilitate perspicit, coloresque invisibilium rerum illuminato aere cognoscit. Si vero valde longe posita fuerint, ipsa elongatione deficit. Secundus, auditus ita institutus est, ut per cochleatos meatus concrepantes sonos ad se attrahat, discernatque et intellegat, quid sit auditum. Qui ideo non rectos et aperitos meatus habet, sed anfractus cochleatione tortuosos, ut quasdam moras sonus emissus sustinens, vim discretionis et intellectus efficeret. Nam si recto itinere sonus emissus exciperetur, ipsa sua velocitate, discretionem atque intelligentiam amitteret. Tertius, est odoratus : quo cunctos fetores pudicos, odoreisque gratos cognoscentes, potentia digna execratione vitamus, et odorifera quadam animi delectatione intra nos trajicientes, ipsa suavitatem odoris reflectimur. Quartus, est gustus : quo omnia quæ in os mittimus, sive dulcia, sive amara, sapore palati discernimus. Quod cum omnes saporum qualitates discernat, ipsum tamen nullius saporis esse probatur. Quintus, est tactus : qui cum omnibus membris sit attributus, præcipue tamè manibus deputatur : quibus etiam usus actionis maxime est datus. Manibus enim sit, quidquid faciendum est. Sed si per singula membra mirificum opus creatoris intendere C cupimus, atque pro captu ingenioli de singulis disputatione, prolixius fieret opusculum quam statueram. Sed quia breviter sublimitati vestre id innotescere cupit, imo cognita ad memoriam revocavi, obsecro ut si aliqua proficia in hoc opusculo vestra celsitudo judicaverit, Dei donum in hoc laudetur, qui linguas infantium disertas facit, et aperire consuevit ora clausa motorum. Sin autem aliqua quæ merito nam torqueant, digne veniam ut homo deposco. Nam qui mendacii fucum aufugere quiverit, perfectus nuncupabitur, apostole Jacobo asserente : *Qui in sermone non labitur, perfectus est vir* (Jac. iii). Quid utique paucissimorum est, dicente propheta : *Omnis homo mendax* (Psal. cxv).